

I-seng : Lí ê sin-khu tó-ūi bô-sóng-khoài ?

醫生：你的身軀佗位無爽快？

Hoān-chiá : I-seng--ah, goá kam-mō--ah, goá nâ-âu thià<sup>n</sup>, koh kui sin-khu  
bô-lát, khó-lêng ū sió-khoá hoat-sio.

患者：醫生啊，我感冒矣，我嚨喉疼，閣規身軀無力，可能有小可發燒。

I-seng : Hó, goá khoà<sup>n</sup>--chit-ē, chhùi peh khui, a . . .

醫生：好，我看一下，喙擘開，阿...

Hoān-chiá : A.

患者：阿。

I-seng : Nâ-âu put-chí-á chéng. Khak-sit sī kám-mō--ah, lí kám ū tùi  
siá<sup>n</sup>-mih iòh-á koè-bín ?

醫生：嚨喉不止仔腫。確實是感冒矣，你敢有對啥物藥仔過敏？

Hoān-chiá : Bô neh.

患者：無 neh

I-seng : Chin-hó, án-ni goá khui iòh-oân hō--lí. Sa<sup>n</sup>-kang-hūn ê iòh-á,  
sa<sup>n</sup>-tng chiáh-pá liáu chiah chiah, beh khùn chìn-chêng koh chit  
pau. Nā ū hoat-sio, tō chiah âng-pau, chiáh-liáu khó-lêng ē  
sió-khoá ài-khùn, che sī cheng-siông--ê, bián hoan-ló.

醫生：真好，按呢我開藥丸予你。三工份的藥仔，三頓食飽了才食，欲睏進前食一包。若有發燒，就食紅包。食了  
可能有小可愛睏，這是正常的，免煩惱。